




SAWA Oos-Kaap



SAWA Sitrusoewer Saamtrek: 12-14 Junie 2013

Naweek nuus...

Winterkampe is die beste.

Van vroeg Vrydagoggend het die karavane al begin om lekker gereed te maak vir n heerlike naweek. Party mense het al voor die hek gewag vir hekke om oop te maak.

20 Karavane het lekker saamgekuier die naweek. Kinders en groot mense het al van vroeg op boodjies gery, vis gevang en party was selfs braaf genoeg om te swem.

Vrydagaand het Poppie, Jakkie, Leane en Zeldrie se ma gesorg vir 4 lekker potte sop en boodjies. Nadat Leana boeke ding gedoen het Vrydagaand het almal lekker saam geeet en gekuier met sop en broodjies. Vuur is gemaak in die lapa en by karavane en verder word daar gekuier en opgevang.

Saterdagoggend word gereel vir n trekkerrit deur die boorde. Wat n aangename ondervinding. Groot groep Sawanante word deur deur lemoen, naartjie, pomelo en suurlemoen boorde gekarwy en kry die geleentheid om hulle eie sakkies vol te maak met vars vrugte van bome. Groot plesierigheid. Stephen tot die redding van kinders sonder skoene (ware sawanant).



Saterdag middag het Melissa gesorg vir opwinding toe haar rit op die water met die "paddle-ski" ontaard het n in reddingspoging. Die "paddle-ski" het n paar gaanjies ingehad, maar ongelukkig was dit eers aan die ander kant van die dam toe sy begin sink. Baie benoud het sy begin swem met "paddle-ski" en spaan om inderhaas aan wal te probeer kom. Gelukkig was haar ma byderhand met die kamera om alles op video vas te vang terwyl n kuiergas tot haar redding gekom het deur braaf in te spring en haar te help. Kan nie surf op n dam met n "paddle-ski" nie Melissa.



Saterdagmiddag was dit natuurlik die groot rugby RUGBY.—WP teen Blou Bulle.

Danksy Ouboet se dekodeerde kon ons almal saam die rugby kyk onder die lapa in goeie gees. Lekker gekuier en saamgebraai om die vure tot laat in die nag.



Sondag het Jakkie gesorg vir n pragtige boodskap waar die vrug van die gees baie duidelik met vrugte voorgestel was en elkeen het n boontjie saad gekry as aandenking om te plant as herinnering aan saad wat in goeie grond val en groeie vrugte dra.

Baie traag het ons opgepak en weer huis waarts te keer tot volgende keer.

Sawagroete

Karen Rautenbach

